

儒林
傳經
表
附通經表
譜
國朝經師經義目錄



儒 林 譜

焦 袁 熹 撰

編主五雲王

編初成集書叢

種二他其及譜林儒

中華民國二十六年十二月初版

徐朱

發行人

王雲五
長沙南正路

印刷所

商務印書館
長沙南正路

發行所

商務印書館
各埠

(本書校對者黃聿祥
潘同曾)

儒林譜

清 焦袁熹纂

易

商瞿。魯人。字子木。受易孔子。橋庇。魯人。字庸。馯臂。江東人。字子弓。周醜。燕人。字子家。孫虞。東武人。字子乘。田何。齊人。字裝。

自瞿至何。傳授凡六世。而當漢高祖時。何徙杜陵。號杜田生。史記弟子傳。瞿傳楚馯臂子弘。弘傳江

東矯子庸疵。疵傳燕周子家豎。豎傳淳于光子乘羽。羽傳齊田子莊何。與漢書互異。荀卿稱仲尼子弓。

而應劭云。子弓。子夏門人也。光羽孫虞當是一人。

何授王同。東武人。字子中。周王孫。雒陽人。字子襄。服生。齊人。凡四人。又項生。梁人。

同授楊何。淄川人。字叔元。卽墨成。齊人。孟但。廣川人。周霸。魯人。衡胡。莒人。主父偃。臨淄人。凡六人。楊何弟子京房。師

古疑自別一京房。非延壽弟子或字悞。

寬初從項生改事何。又從周王孫受古義。寬號丁將軍。授田王孫。碭人。田王孫授施雠。沛人。字長卿。一作子卿。當攷。

孟喜。蘭陵人。字長卿。梁邱賀。琅邪諸人。字長翁。凡三人。

雠授張禹。軹人。徙蓮勺。字子文。丞相。魯伯。琅邪人。梁邱臨。賀之子。

禹等梁邱賀門人禹授彭宣淮陽人字子佩戴崇沛人字子平

伯授毛莫如太山人字少路邴丹琅邪人字曼容

喜授白光東海人字少子翟牧沛人字子兄蓋寬饒見後

喜得易家候陰陽災變書詐言師田生獨傳已梁邱賀證其不然所謂陰陽災變者蓋不知所自來也又蜀人趙賓者飾易文以箕子爲蒧茲云受孟喜喜爲名之後賓死莫能持其說因復不肯切賓之僻繆不足言若喜者其亦儒門之穿窬歟

賀受易京房更事田王孫授子臨即遣從施臨授王駿琅邪王吉子五鹿充宗字君孟少府充宗授士孫張平陵人字仲方鄧

彭祖沛人字子夏衡成齊人字長廣爲凡三人

焦延壽梁人字贛授京房頓邱人字君明本姓李氏吹律自定爲京氏房授殷嘉東海人姚平河東人乘弘河南人

延壽長於災變自云從孟喜問易房以爲卽孟氏學而翟牧白生不肯至劉向校書疑延壽獨得隱士之說託之孟氏也孟京二家源流所自同異未可知其不出於田生決也房弟子又有任良張博名氏不見儒林故茲亦不列焉

費直東萊人字長翁長於卦筮傳王璜璜一作橫琅邪人字平仲璜又傳古文尙書與費同時者高相沛人專說陰陽災異

自言出於丁寬相授子康及毋將永蘭陵人康爲王莽所殺高費皆未嘗立於學官

韓嬰見詩爲易傳獨傳其家宣帝時涿郡韓生其後也蓋寬饒魏郡人字次公本從孟喜學見生說易好之更從

受焉戴賓沛人平帝世以施氏易授劉昆陳留人字桓公昆授太子明帝及諸王小侯傳子軼字君文景鸞治施

氏易。別見

注丹。南陽人。字子玉。

世傳孟氏易。易家宗丹爲大儒。

鮐陽鴻。中山人。字孟孫。鮐或作鮐。

亦以孟氏易教授。

任安。綿竹人。字定。

祖。遊太學受孟氏易。兼通數經。

夏恭。莽末梁人。字敬公。

習孟氏易。門徒千餘。子牙傳業。

梁竦。安定人。字叔敬。

習孟氏

易。袁良。汝南人。

習孟氏易。孫安。字邵公。司徒。

安子京。

譽。字仲。敞。司空。

京子彭。字伯。

彭弟湯。字仲河。太尉。

世傳

學。

范升。代人。字辨卿。

梁恭。呂羌。升以博士。讓二人。

俱習梁邱易。升授楊政。京兆人。字子行。

張興。鄆陵人。字君上。

教授弟子且萬人。爲

梁邱家宗。傳子魴。

郎宗綏。北海人。字仲安。帝世。

學京氏易。傳子顗。字雅光。順帝世。

劉寬明京氏易。別見

戴憑。平輿人。字次仲。

魏滿。南陽人。字叔牙。

皆習京氏易。

孫期。濟陰人。字仲或。

習京氏易。亦見尙書家。

鄭玄事第五元人。

通京

氏易。陳元鄭衆傳費氏易。馬融亦爲其傳。授鄭玄。玄作注。荀爽。潁川人。一名爽。諱字慈明。

又作易傳。自是費氏興。京氏

遂衰。五人並別見。

徐宣。沛人。

以易授王莽。宣子憲。憲子防。字調卿。太尉。

皆傳業。

蘇竟。平陵人。字伯況。

以明易爲博士。平帝世。

書

伏生。濟南人。秦博士。

以書二十九篇教張生。濟南人。博士。

歐陽生。千乘人。字和伯。

又使其女口授鼂錯。是爲今文尙書。何

比干。汝陰人。字少卿。

學尙書于錯。伏生孫亦治尙書。其後周霸。魯人。

賈嘉孫。諱之。

能言尙書。

史漢俱稱伏生。范書伏湛傳云。九世祖勝。字子賤。或又云勝字不齊。未知何据。疑後人以意加之。遷堅治聞。豈顧不能得之也。比干事不見前事。范從何氏家傳得之也。

歐陽生授兒寬。千乘人。寬授簡卿。及歐陽生子。亡名。傳至曾孫高。字子陽。高孫地餘。字長。授太子。元帝也。地餘子政。王莽講學大夫。

兒寬受業和伯。仍傳之其子。若曾氏之教子思也。寬又受業孔安國。歐陽氏之尚書。宜兼古今治之。胡孔君之業。終漢世不顯乎。

歐陽高授林尊。濟南人。字長賓。尊授平當。平陵人。字子思。丞相。陳翁生。梁人。當授朱普。九江人。字公文。鮑宣。渤海人。徙上黨。字子都。翁生授殷崇。琅邪人。字君賓。

張生授夏侯都尉。都尉傳族子始昌。魯人。字長。始昌傳族子勝。字長。勝又事簡卿。又從歐陽氏問。勝授太后。授從父子建。字長。是爲大小夏侯。建亦事歐陽高。

建既兼採勝高。復從五經諸儒問。與尚書相出入者。牽引以次章句。爲勝所非。而建亦非勝疏略。建卒自顯門名經。二夏侯之學。其不同如此。從父子一作從兄子。

勝又授周堪。齊人。字少卿。孔霸。字次孺。孔子十三世孫。堪授牟卿。許商。長安人。字長伯。霸授太子。元帝。傳子光。字子夏。太師。光亦事牟卿。商授唐林。沛人。字子高。吳章。平陵人。字偉君。爲莽所殺。王吉。重泉人。字少翁。快欽。齊人。字幼卿。林吉。莽九卿。

商依孔門四科。號其門人曰德行。言語。政事。文學。此四人是也。自今觀之。僭妄極矣。然當時孔子道未

甚尊重。至唐世若權德輿蕭穎士之屬，尚皆然也。商之題號，誠不足怪云。

建授張山拊。平陵人。字長賓。山拊授李尋。平陵人。字子長。鄭寬中。平陵人。字少君。張無故。山陽人。字子儒。秦恭。信都人。字延君。假倉。陳留人。

字子尋。好洪範災異。又學天文月令陰陽事。丞相翟方進寬中授太子。成帝也。授趙玄。東郡人。無故授唐尊。沛人。

傳。莽太恭授馮賓。魯人。

恭增師法至百萬言。蓋小夏侯博探諸經師之說，而恭又推演之，故其多若此也。李尋傳言與張孺鄭

寬中同師，孺無故當是一人。

孔安國。孔子十一世孫。得古文尚書，增多二十五篇。傳云：十餘篇。為之傳，未得立學官。授都尉朝司馬遷，亦從安

國問。朝授庸生。膠東人。名譚。庸生授胡常。清河人。字少子。常授徐敖。魏人。塗惲。字子真。惲授賈徽。扶風人。徽傳子達。字景伯。

達以張霸。東萊人。偽造尚書百兩篇，黜不傳。

大夏侯尚書教授。

歐陽生八世孫歙。字正思。教授數百人。死獄中。弟子禮震。平原人。字仲威。曹曾。濟陰人。字伯山。高獲。汝南人。字敬公。事歙，見

方術傳。曾門徒三千人，祉傳父業。

朱普授桓榮。本齊人。遷龍亢。字春卿。榮同門生，又有彭閔。字作明。臯弘。吳人。字奉卿。榮授太子。明帝。為太師。弟子何湯。豫章人。

仲弓。字子思。胡憲。九江人。丁鴻。潁川人。字孝公。司徒。榮子郁。字仲恩。傳父業，授太子。章帝。又授和帝。門人楊震。關西人。字伯起。太尉。朱寵。

京兆人。字仲威。太尉。一云從榮受。郁子焉。字叔元。太尉。傳其學，授安帝順帝。弟子黃瓊。江夏人。字世英。太尉。楊賜。字伯獻。三公。焉孫典。字公雅。

亦傳業門徒數百人。丁鴻千。門人數授劉愷。彭城人。字伯豫。三公。巴茂。北海人。朱俛。九江人。陳弇。陳留人。字叔明。劉寬。弘農人。字文饒。

見謝承書。此類不復分列。一見而已。

牟長。樂安人。字君高。習歐陽尙書。諸生著錄者萬人。有牟氏章句。子紆門生亦千人。宋登。長安人。字叔陽。傳歐陽

尙書教授數千人。鮑永。上黨人。字君長。習歐陽尙書。卒。光武世。

張馴。字子儒。定陶人。以大夏侯尙書教授。牟融。北海人。字子太尉。以大夏侯尙書教授。卒。建初。吳良。臨淄人。字大儀。習大夏

侯尙書。世。黑宗。宋京。南陽人。以大夏侯尙書教授。傅子意。字伯志。明章世。尹敏。字幼季。堵陽人。初習歐陽尙書。後受

古文。別見。蓋豫以古文尙書授周防。汝南人。字偉公。劉祐。中山人。字伯祖。學古文尙書。孫期習古文尙書。見

家

孔氏自安國已下。世傳古文尙書。毛詩。至子建不仕莽世。曾孫僖。字仲和。僖子長彥。季彥。留華陰。門徒數百人。

楊倫。字仲理。陳留人。師事丁鴻。習古文尙書。弟子千餘人。杜林。扶風人。字伯山。光武世。傳古文尙書。東海衛宏

從林受學。別見。濟南徐巡受林學。巡初事衛宏。

周磐。汝南人。字堅伯。學古文尙書。洪範五行。門徒常千人。磐云夢見先師東里先生。不知東里何人也。

王良。蘭陵人。字仲子。以小夏侯尙書教授。諸生千餘。光武時。

賈逵爲林作訓。馬融鄭玄作傳注。古文由是顯于世。

張奐酒泉人。字然明。事朱寵太尉。學歐陽尚書桓帝。徐穉別見。學歐陽尚書。楊統新都人。字仲通。以夏侯尚書傳學。

建初

楊寶弘農人。震父。以歐陽尚書教授。寶子震。震子秉字叔。秉子賜字伯。賜子彪字文先。自震至皆傳學。震門

生虞放陳翼。

杜喬別見。通歐陽尚書。

詩

浮邱伯齊人。以詩授申培魯人。楚元王交及子郢即郢客。申公傳郢子戊嗣爲王。授王臧蘭陵人。趙綰

代人。臧綰皆下吏自殺。孔安國、周霸、夏寬、魯賜楊人。繆生蘭陵人。徐偃、闕門慶忌鄒人。瑕邱江公大江。許生魯人。徐公

免中邑人。江公授韋賢鄒人。賢亦事許生。授昭帝。傳子玄成字少翁。賢玄成成並至丞相。玄成及兄子賞授哀帝。

安國傳尚書、易、書家兩見。瑕邱傳詩、春秋。而韋賢又治禮。凡此諸人並兼通之士矣。繆生一云

卽穆生。元王所敬禮者繆音穆也。

徐公東平人。王式字翁思。式亦事許生。爲昌邑王師。授張長安山陽人。唐長賓東平人。褚少孫沛人。薛

廣德沛郡人。字長卿。長安兄子游卿授元帝。授王扶琅邪人。許晏陳留人。廣德授龔勝舍兩龔。江生授卓茂宛人。字

茂習詩禮。究極師法。在元帝世。是爲魯詩學。

博士江公。世爲魯詩宗。至江公亦稱江。著孝經說。心嫉王式。發聲醜惡。儒者氣息了不復存。所謂博士

江公者。卽瑕邱公。與此江翁史不言其親屬。攷穀梁家瑕邱傳子。至孫江公爲博士。蓋卽此江翁也。後漢書卓茂傳亦稱江生。注云。號魯詩宗。

轅固齊人。諸齊以詩顯貴。皆其弟子。最著者夏侯始昌。見尙書家。始昌通五經。授后蒼。鄉人。字近君。見禮家。蒼授翼

奉。東海人。字少君。蕭望之。蘭陵人。徙杜陵。字長倩。匡衡。東海承人。字稚圭。丞相。白奇。望之亦事奇。又從夏侯勝問論語禮服。衡授師

丹。琅邪人。字仲公。伏理。東武人。字旂君。滿昌。潁川人。字君都。理授成帝傳子滿。字惠公。司徒。教授數百人。昌授張邯。九江人。字子陽。食授

人。是爲齊詩學。

藝文志有齊孫氏故二十七卷。傳二十八卷。不知孫氏何名也。

韓嬰。燕人。作內外傳授賁生。淮南人。趙子。河內人。趙授同郡蔡誼。丞相。誼授同郡食子公王吉。琅邪人。字子陽。食授

栗豐。泰山人。吉授長孫順。淄川吉兼通五經。以詩論語教。豐授張就。山人。順授髮福。東海人。是爲韓詩學。

毛公。趙人。治詩授同國貫長卿。貫授解延年。解授徐敖。敖授陳俠。九江人。莽。是爲毛詩學。書家。見尙

初學記。荀卿授魯國毛亨。作詁訓傳授趙國毛萇。時人謂亨爲大毛公。萇爲小毛公。據此則儒林傳趙

毛公者。小毛公萇也。萇。又而傳乃出于大毛公。或又以大毛公爲河間人。乖異如此。未可以意說

也。

胡常。見尙書家。亦傳毛詩。授王璜。見易家。塗惲。平陵人。字子真。惲授桑欽。河南人。字君長。

以上見班書

高嘉人平原。以魯詩授元帝。傳孫容。容子詡。字季。不仕莽。建武時。拜大司農。右師細君授包咸。字子良。

魏應字君伯。任城人。受博士。魯詩授千乘王伉。弟子著錄數千人。陳重字景公。宜春人。雷義字仲公。郡陽人。俱學魯詩。

魯恭康。字仲。扶風人。字仲。習魯詩。弟丕。字叔。亦以魯詩教授。兼通五經。李業字巨游。廣漢人。習魯詩。師許晃。

伏黯字雅文。琅邪人。明齊詩。傳嗣子恭。字叔。肅宗時。恭爲三老。

任末字叔本。蜀郡人。景鸞。梓潼人。字漢伯。並治齊詩。

末奔師喪道卒。遺令致死師門。鸞少隨師學經。涉七州之地。不知末鸞師何人也。

薛漢字公子。淮陽人。世習韓詩。漢傳父業。尤善說災異。識緯。獄死。弟子杜撫字叔和。犍爲人。澹臺敬伯。會稽人。韓

伯高。字京兆人。漢弟子廉范。字叔度。杜君弟子趙曄。字長君。山陰人。召馴字伯春。壽春人。肅宗時。以韓詩授諸王。

楊仁字文義。巴郡人。以韓詩教授。張匡字文通。山陽人。習韓詩。作章句。鄧暉字伯秋。見春秋。治韓詩。授太子。宗。

勃字叔陽。扶風人。能說韓詩。李恂字叔英。安定人。習韓詩。夏恭習韓詩。家。見易。

謝曼卿人。九江。善毛詩。授衛宏。東海人。字敬仲。宏作毛詩序。賈徵亦學于曼卿。傳子達。經。分見諸。鄭衆馬融。

並作毛傳。而鄭玄爲之箋。

先儒以詩序爲孔子所作。沈重云。大序。子夏毛公合作。隋志云。詩序子夏所創。又衛宏更加潤色。又或

以爲出于國史。朱子直据范書。斷以小序爲敬仲之作。又非出一人之手。蓋實漢儒爲之。而托于孔子

卜氏也。康成大儒。正坐學而不思。是以尊信不疑爾。

尹敏善毛詩。

禮

高堂生魯人傳士禮十七篇。徐生魯人善爲容。傳子至孫延襄二人。徐氏弟子公滿意桓生單次蕭奮。

人。徐氏後有張氏不知經。但能爲容。劉昆習容禮見易家。奮授孟卿喜之父。卿授后亦作。閭邱卿倉

說禮數萬言。號后氏曲臺記。授閭人通漢沛人。子方戴德。字延德。兄弟子聖字次君。慶普字。普授族

子咸。夏侯敬魯人。德授徐良琅邪人。字旴卿。聖授橋仁梁人。字卿。楊榮字子。

河間獻王德得禮禮記等書獻之朝。劉向校經籍。又得古記凡五種。合二百十四篇。大戴刪而存之。

八十五篇。小戴又刪其書爲四十六篇。是二戴之業。本于德向兩劉。而河間實爲首功也。范書言橋

仁從戴德學。有禮記章句。號橋君學。

孔安國獻古經五十六篇。及周官經六篇。傳其書。

曹充薛人持慶氏禮傳子褒字叔。褒弟子千餘人肅宗。慶氏學遂行。王臨傳董鈞勉爲人。習慶氏禮教

授。鄭衆開封人。字仲師所謂先鄭。傳周官。馬融作傳授鄭玄。玄先從張恭祖東郡人。受周官禮記。又事融。融使

高業弟子傳授玄。玄又注小戴禮。盧植涿人。字子幹。事馬融。作三禮解詁。景鸞撰禮內外記月令章句。

別見

春秋

胡母生齊人·字子都·廣川治公羊春秋教於齊公孫弘頗受焉董仲舒人·廣川與胡母生同業弟子褚大人·廣川

公東平人·段仲人·呂步舒溫人·嬴公授孟卿家·見禮·眭弘魯人·字孟·貢禹琅邪人·字少翁·禹亦事弘

仲舒弟子獨嬴公不失師法孟傳其學竟以論石柳事爲霍光所誅而仲舒身亦幾不免治經而更得禍蓋顯篤近迂愚遭會時變致然非聖人之過也史記廣川殷忠殷一作段·即段仲也范書云胡

母生授嬴公而孟卿授睦孟與此小異

弘授嚴彭祖下邳人·字公子·顏安樂薛人·字公孫·彭祖授王中琅邪人·中授同郡公孫文東門雲雲下獄·安樂仇

家所授冷豐淮陽人·字次君·任公淄川人

孟卿授疏廣蘭陵人·字仲翁·廣授筦路琅邪人·路授孫寶潁川人·字子嚴·貢禹授堂溪惠潁川人·惠授冥都泰山人·冥都筦

路亦事安樂·冷豐授馬宮東海人·字游卿·太師葬·左咸琅邪人

宣帝時召諸儒議殿中平公穀二家同異公羊家有侍郎申輓伊推宋顯許廣凡四人史不言其所自

出大約亦孟眭弟子也

申公以詩及穀梁春秋授瑕邱江公傳子至孫江公授榮廣魯人·字王孫·皓星公廣授蔡千秋沛人·字少君·周

慶梁人·字幼君·丁姓字子孫·千秋又事皓星公授尹更始汝南人·字翁君·而劉向字子政·亦待詔受學江公孫亡名·

姓授申章昌楚人·字曼君·更始又受左氏傳傳子咸及翟方進上蔡人·字子威·丞相·房鳳琅邪人·字子元·江博士授胡常

見書詩二家·常授蕭秉梁人·字君房·議殿中時穀梁家又有郎中王玄·房元以穀梁春秋授侯霸密人·字君房·光

武時司

張蒼陽武人、賈誼雒陽人、張敞徙杜陵人、字子高、劉公子、皆修春秋左氏傳、誼授貫公趙人、子長卿見毛詩家、授張

禹清河人、字長子、禹授尹更始、傅子咸、翟方進、胡常、常授賈護黎陽人、字季君、護授陳欽蒼梧人、字子佚、欽授王莽、而劉

歆向子字子駿、莽國師、從咸方進受焉、歆書中有魯國桓公學、與此同。

兩張禹同時同治經義、又同爲蕭望之所薦、一旋死、一以鄙夫至丞相爲帝師。

先儒以爲卜子夏口授齊人公羊高、高五世相授、至漢景帝時、公羊壽共弟子胡毋生、乃著竹帛、公羊

齊學也、卜氏口授、傳聞云爾。

穀梁俶字元始、一名赤、魯人、亦受經、子夏爲之傳、傳孫卿、卿傳申公、穀梁、魯學也。

先儒以爲左丘明與聖同恥、親受經孔子、爲經作傳、左氏網羅舊聞、備記始末、其功大矣、至謂親受聖

筆、君子斷其不然。

傳春秋者四家、而騶氏無師、夾氏未有書、考志目錄、有鄒氏傳十一卷、夾氏傳十一卷、夾氏有錄無書、

在漢世直泯然矣、爲騶氏學著者獨王陽云。

丁恭東緡人、字子然、習嚴氏春秋、教授諸生、著錄者數千人、周澤安邱人、字稚卿、習嚴氏春秋、門徒常數百人、

李章河內人、字第公、以嚴氏春秋教授、恭弟子鍾興汝陽人、字次文、樓望雍邱人、字次子、承宮琅邪人、字少、樊儵南陽人、字長魚、儵疑

當作儵永平世、興授太子、章帝、望諸生著錄九千餘人、富少事徐子盛、儵刪定章句、號樊侯學、門徒三千

餘李修人·穎川夏勤字伯宗·九江人並至三公。成都張霸字伯饒·從樊鄺受嚴氏春秋遂博覽五經孫林劉固段著

等就霸學霸子楷字公超·南昌人亦通嚴氏兼古文尙書甄宇字長文·安邱人習嚴氏春秋傳子普普傳子承子孫傳

學不絕程曾字秀升·南昌人習嚴氏春秋會稽顧奉等數百人常居門下見·曾別邳惲字君章·汝南人治嚴氏春

秋劉祐字書禮·家·見書禮

張玄字河內人·字君夏習顏氏春秋兼通數家諸生著錄千餘人玄同時琅邪徐業亦大儒李育字元春·扶風人習

公羊春秋門徒數百何休字邵公·任城人作公羊解詁與其師羊弼述李育意以難二傳陳重雷義俱學顏

氏春秋見詩·家·

服虔河南人·初名重·又名祇·字子慎作左氏傳解穎容陳人·字子嚴事楊賜善左氏傳聚徒千餘謝該南陽人·字文儀明左

氏門徒數百千人河東樂詳字文載·字文從該問建武中李封魏人爲左氏博士延篤南陽人·字叔堅從堂溪典

字李度穎川人受左氏傳又從馬融學周磐見尙書·家·張馴見書·家·尹敏穀梁左氏別見鄭玄先通公羊後

從張恭祖受左氏俱別·見·

賈徽受左氏于劉歆傳子逵逵兼通諸家說

論語孝經

王吉宋畸貢禹五鹿充宗庸生皆傳齊論唯王陽名家陽·即吉也·龔奮夏侯勝韋賢玄成魯扶卿蕭望之張

禹傳魯論皆名家禹從王陽庸生問授太子成帝·包咸習論語見詩·家·授太子明帝·子福授和帝

長孫氏、江翁、后蒼、翼奉、張禹、傳孝經名家。
何休注訓孝經論語家。見春秋